

Das vnser lieber  
 HERR Ihesus Christus/  
 Warer Gott vnd Mensch/sampt dem Vater  
 vnd heiligen Geist/durch den Glauben in  
 allen waren Christen wone/ Vnd jr  
 Gerechtigkeit sey.

Gezeugnis der heiligen Schrifft/zu  
 samen gelesen. Durch

Andream Osiander.

Für die einfeltigen/Verfürten  
 Schefflin.

Johannis am 6.  
 Von dem an gingen seiner Jünger viel  
 hindersich/vnd wandelten fort  
 nicht mehr mit jm.

Königsberg  
 in Preussen.

1556



Pol. G. II. 974 ad. 2

Handwritten scribbles and a large 'E' with a horizontal line through it.

4271 VD 16 01000



818519

Das vnser lieber

HERR Ihesus Christus /

warer Gott vnd Mensch / sampt dem Vaa  
ter vnd heiligen Geist / durch den glau  
ben / in allen waren Christen wone.

Vnd jr gerechtigkeit sey /

Gezeugnis der heiligen Schrift / zus  
samen gelesen. durch

Andream Olander.

Fur die einfeltigen verfurten Schefflin.



**D**eweil meine Lehr  
von der Rechtfertigung / viel  
feltiglich bis anher angefocht  
en / vnd getadelt worden ist /  
vnd doch die tadler alle / entlich  
zu schanden worden / vnd nu verstummet sein /  
ausgenommen die / so da sagen / Gott Vater /  
Son vnd heiliger Geist / wone in den Chris  
sten nicht / sey auch jr Gerechtigkeit nicht /  
dann die selben regen sich noch ein wenig / wie  
ein Schlang der man den Kopff zutretten  
hat / vñ gleich jtz den Geist auffgeben mus /

A ij hab

hab ich diese gezeugnis in eil zusamē gezogen/  
den einfeltigen zugut / damit sie / wider des  
Teuffels letztes toben vnd rasen / gerüst sein/  
vnd sich nicht verführen lassen / bis ich etwas  
bessers an tag gebe / da helffe Gott zu / Amen.

Das Christus warer Gott  
vnd Mensch / durch den  
glauben in vns wone.

**W** <sup>1.</sup> **A**ulus zum Ephesern am 3. Cap. bit  
tet / das Gott der Vater wolle geben /  
das Christus durch den glauben in vnsern her  
tzen wone.

2. Christus Johannes am 6. Cap. spricht /  
Warlich warlich sag ich euch / werd jr nicht  
essen das fleisch des Menschen Sons / vnd  
trincken sein blut / so habt jr kein leben in euch /  
wer mein fleisch isset vnd trincket mein blut /  
der hat das ewig leben / vnd ich wert in auff  
erwecken am Jüngsten tag / denn mein fleisch  
ist die rechte speise / vnd mein blut ist der rechte  
trancf / wer mein fleisch isset vñ trincket mein  
blut / **DER BLEIBT IN MIR**  
**VND ICH IN IHM** / Wie mich gesand  
hat der lebendige Vater / vnd ich lebe vmb des  
Vaters willen / also wer mich isset der lebe  
vmb

Umb meinet willen/dis ist das Brod das vom  
Himmel komet/wer das Brod isset/der wird  
leben in ewigkeit.

3. Christus Johannis am 14. Cap. spricht/  
Es ist noch umb ein kleins/ so wird mich die  
Welt nicht sehen / jr aber solt mich sehen /  
An dem selbigen tag werd jr erkennen/das ich  
im Vater bin/ **VND IR IN MIR/  
VND ICH IN EUCH.**

4. Christus spricht / Johannis am 15. Cap.  
Ir seid itzt rein/ umbdes Worts willē/das ich  
zu euch gesagt hab/ **BLEIBT IN MIR/  
VND ICH IN EUCH.**

5. Bald darnach/Wer in mir bleibt/**VND  
ICH IN MIR** der bringt viel frucht.

6. Christus Johannis am 17. Cap. spricht/  
Ich hab inen die herrligkeit geben/ die du mir  
gegeben hast/das sie eins sein/ gleich wie wir  
eins sein/ **ICH IN IEN/ VND DU IN MIR/  
DAS SIE VORMEN SEIN IN EINS.**

7. Bald darnach/ Ich hab inen deinen Na-  
men kund thun/ auff das die lieb/ damit du  
mich liebest/ sey in inen/ **VND ICH IN  
IEN.**

8. Paulus 2. Cor. am 13 Cap. spricht/ Vers-  
ucht euch selbs / ob ir im glauben seit/ prüfet  
euch selbs/ oder erkennet jr euch selbs nicht /  
**DAS CHRISTVS IN EUCH IST/  
ES SEY DANN DAS JR VNTÜCHTIG SEIT.**

A ij Paulus

9. Paulus zum Römern am 8. Cap. spricht/  
SO CHRISTVS IN VCH IST/  
so ist der leib zwar tod / vmb der Sünde wil-  
len / der Geist aber ist das leben / vmb der ge-  
rechtigkeit willen.

10. Paulus zum Galatern am 2. Cap. spricht/  
Ich lebe / aber doch nun nicht ich / sondern  
CHRISTVS LEBT IN MIR.

11. Paulus zum Coloffern am 2. cap. sagt / Im  
sey befohlē Gottes Wort reichlich zu predigē/  
Nemlich das geheimnis / das verborgen ge-  
west ist / von der Welt her / nun aber offenbart  
ist seinē heiligē / welchen Gott hat wollē kund  
thun / welcher da sey der herrliche reicheumb/  
dieses geheimnis vnter den Heiden. / **WEL-**  
**CHES IST CHRISTVS IN VCH.**

Das der Vater vnd der  
Sohn / durch der Glaubenden  
samptlich in vns wohnen.

<sup>12.</sup>  
**C**hristus spricht / Johannis am 14. Cap.  
Wer mich liebet der wird mein Wort be-  
halten / vnd mein Vater wird in lieben / **VND**  
**WIR WERDEN ZU IM KOMMEN /**  
**VND WORTLICH BEI IM MACH-**  
**EN.**

DAS

Das der heilig Geist durch  
den glauben in vns wone.

13.

**J**ohannes der Teuffer Matthei am 3.  
Marci am 1. vnd Johan. am 1. spricht/  
Christus wird **EVCH TEUFSEN MIT  
DEM HEILIGEN GEIST VND  
SEWEN.**

14. Christus in geschichten am 1. Cap. spricht.  
Johannes hat mit Wasser getaufft/ **IR  
WER SOLLET MIT DEM HEILIGEN  
GEIST GETAUFET WER  
DEN/** nicht lang nach diesen tagen.

15. Christus Johannis am 14. Cap. Ich wil  
den Vater bitten/ vnd er sol euch einen andern  
Tröster geben/ **DAS ER BEY EVCH  
BLEIBE EWIGLICH/** den Geist der  
Warheit/ welchen die Welt nicht kan empfan-  
gen/ den sie sihet in nicht/ vnd erkent in nicht /  
ir aber kennet in/ **DEIN ER BLEIBT  
BEY EVCH/ VND WIRD IN  
EVCH SEIN.**

16. Paulus i. Cor. 3. spricht/ Wisset ir nicht/  
das ir Gottes Tempel seit? **VND DER  
GEIST GOTTES IN EVCH WO-  
NET/** so jemand den Tempel Gottes ver-  
derbet/ den wird Gott verderben/ den der Tem-  
pel Gottes ist heilig/ der seit ir.

Item

17. Item da selbst am 6. Cap. Wisset jr nicht  
das ewr Leib/ein Tempel des heiligen Geists  
ist/**DER IN EUCH IST**/welchen jr  
habt von Gott/vnd seit nicht ewr selbs.
18. Item daselbst am 12. Cap. Ich thu euch  
Kunde/das niemand Ihesum verflucht/ der  
durch den heiligen Geist Gottes redet/ Vnd  
niemand kan Ihesum einen **HERREN** heissen  
on durch den heiligen Geist.
19. Paulus zum Römern am 8. spricht/ Wer  
den Geist Christi nicht hat/ der ist nicht sein.
- 20 Paulus 2. Cor. 5. spricht/ der vns zu dem  
selben(ewigen leben) bereite/das ist Gott/der  
vns das pfand/den Geist gegeben hat.
- 21 Paulus zum Ephesern am 1. Cap. spricht/  
Da jr gleubet dem Euangelio / seid jr versigelt  
worden/mit dem heiligen Geist / welcher ist  
das pfand vnsers erbes.
- 22 Daselbst am 4. Cap. Betrübet nicht den  
heiligen Geist/mit welchem jr versigelt seid/  
auff den tag ewrer Erlösung.
- 23 Paulus zum Tessalonichern am 4. Capitel  
spricht/wer euch verachtet der verachtet nicht  
menschen/sondern **GOTT**/ der seinen heiligen  
Geist gegeben hat in euch.
- 24 Paulus 2. Timo. am 1. Cap. spricht/Dies  
se gute beilag (die reine lere)bewar/durch den  
heiligen Geist/der in vns wonet.
- 25 Paulus zum Tito. am 3. Cap. spricht/ Er  
hat vns selig gemacht/durch das Bad der wis  
dergeburt/



Der geburt / vnd durch erneuerung des heiligen  
Geists / welche er vber vns ausgegossen hat reich  
lich / durch Ihesum Christum vnsern heiland.

26 Petrus in der ersten am 4. Cap. spricht /  
Selig seid ir / wenn ir geschmecht werd / vber  
dem Namen Christi / denn der Geist / der ein  
Geist der herrlichkeit / vnd Gottes ist / der rus  
get auff euch / bey inen ist er verlestert / aber bey  
euch ist er gepreiset.

Das der einig ewig ware  
Gott / der da ist Vater Son  
vnd heiliger Geist / durch  
den glauben in vns wone.

27.  
**P**aulus in der ersten zun Cor. am 14. cap.  
spricht / wenn ir alle weissagete etc. so  
wurde der Leie auff sein angesicht fallē / Gott  
anbetten vnd bekennen / das Gott warhafftis  
gklich **IN EVCH IST.**

28 Paulus in der andern zun Cor am 6. cap.  
spricht / Ir seid der tempel des lebendigen Gots  
tes / wie denn Gott spricht / Ich wil in inē wo  
nen / vnd in inen wandeln / vñ wil ir Gott sein.

29 Petrus in der andern am j. Cap spricht /  
Durch die erkentnis Gottes / seien vns die aller

**B** thewisten

thwerften verheiffung geschenckt / das wir  
durch die selbigen teilhafftig werde / der Göt-  
lichen Natur.

30 Johannes in seiner ersten Epistel am 3.  
Cap. spricht / Wer aus GOTT geboren ist / der  
thut nicht Sünd / denn der Same Gottes blei-  
bet bey IM.

31 Daselbst am 4. Cap. So wir vns vnters  
einander lieben / so bleibet GOTT IN VNS /  
vnd sein lieb ist völlig IN VNS.

32 Daselbst / Welcher bekennet das Ihesus  
Gottes Son ist / IN DEM BLEIBET  
GOTT / VND ER IN GOTT.

33 Daselbest / Gott ist die lieb / vn wer in der  
lieb bleibet / der bleibt IN GOTT / vnd GOTT  
IN IM.

**D**iese Sprüch alle / geben einerley einfels-  
tige meinung / nemlich das Gott nach  
seinem waren göttlichen wesen / in den  
Rechtglaubigen wonet / denn wo Christus ist /  
da ist auch sein Göttliche Natur vnd Götts-  
lichs wesen / wo aber der Son Gottes / nach  
seinem Göttlichen wesen ist / da sein auch der  
Vater vnd der heilig Geist unzertrennet / denn  
Vater / Son / vnd heiliger Geist / sein ein einigs  
ewigs unzertrennets Göttlichs wesen.

Das der einige ware Gott /  
Vater / Son vnd heiliger  
Geist

Geist / der durch den glauben  
in vns wonet / auch vnser  
gerechtigkeit sey.

34.  
**P**aulus spricht zum Philippem am 3. Ca.  
Ich achte alles für Schaden / gegen der  
überschwencklichen erkenntnis / meines **HERRN**  
Ihesu Christi / auff das ich Christum gewinne  
vnd **IN IM** erfunden werd / das ich  
nicht hab mein gerechtigkeit / die aus dem gesetz  
sonder die durch den glauben an Christo  
kompt / Nemlich die Gerechtigkeit aus Gott /  
die im glauben ist / denn also hat Paulus das  
selbst geschrieben / vnd nicht wie man im  
gemeinen Teutschen liest.

35 Jeremi. der Prophet / am 23. cap. spricht /  
Es kumpt die zeit / spricht der **HERR** / das  
ich dem Dauid ein gerechts gewechs erwecke  
wil / vnd sol ein König sein / der wol regieren  
wird / vnd recht vnd gerechtigkeit auff Erden  
anrichten / zur selbigen zeit sol Juda geholffen  
werden / vnd Israel sicher wonen / Vnd die  
wird sein name sein / das man in nennen wird /  
der **HERR** der vnser gerechtigkeit ist.

36 Jeremias am 33. Cap. Wiederholet die  
obgeschribnen wort noch reichlicher / Vnd be-  
schleust wider mit diesen Worten / Man wird  
in nennen / der **HERR** der vnser gerechtigkeit  
ist.

**B** **G** Paulus

37 Paulus in der ersten zum Cor. am 1. Cap.  
spricht/ Ihesus Christus ist vns gemacht von  
Gott/ zur weisheit/ zur gerechtigkeit/ zur heiligung/  
vnd zur Erlösung/ auff das / wie geschrieben steht/  
Wer sich rhumet / der rhume sich des **HERRN**.

**U**n ist kein ander Ort in der gantzen  
heiligen schrift/ da solchs/ das Paulus  
sagt/ geschrieben steht/ dann Jeremia am 9. da  
man also liset. So spricht der **HERR**/ ein weiser  
rhume sich nicht seiner weisheit/ ein starcker  
er rhume sich nicht seiner stercke / ein reicher  
rhume sich nicht seines Reichthums / Sondern  
wer sich rhumen wil/ der rhume sich des/  
das er mich wisse vnd kenne/ das ich der **HERR**  
bin/ der barmhertzigkeit/ Recht vnd gerechtigkeit  
vbet auff Erden.

Da wir aber in diesen dreien letzten sprüchen  
lesen/ der **HERR**/ der vnser gerechtigkeit  
ist/ vñ des wir vns rhümē sollē/ da steht alweg  
der grosse namen Gottes **IHVVS**/ Welcher  
eigentlich dentet/ Gott den Vater/ Son/  
vnd heiligen Geist/ in dem einigen einfeltigen  
ewigen Göttlichen wesen / vnd dieweil vnser  
lieber **HERR** Ihesus Christus/ nicht allein  
warer Mensch/ sondern auch warer Gott/ vnd  
mit dem Vater vnd heiligen Geist / das gantz  
Göttlich wesen ist/ so wird er auch vmb desselbigen  
seinen Göttlichen wesens willen/ das er  
mit

mit dem Vater vñ heilige Geist ist/ **J E H O V A H**  
genand / vñ ist also **J E H O V A H** / das  
ist Gott der Vater / vnd der Son / der Mensch  
worden ist / vnd der heilige Geist / das einig  
vnzertrennet Göttlich wesen / wie es in Chri-  
sto ist / vnd durch den glauben **I N V N S**  
**W O R T** / Unser der gleubigen einige vnd  
Ewige Gerechtigkeit / die vns im glauben zu-  
gerechnet wird.

## Bezeugnis D. Martini

Lutheri. Von dem Namen

**J E H O V A H**.

**D**e Martinus Lutherus / Im Büchlin  
von den Letzten Worten Davids  
schreibt also. Hie steht der gros vnd eigen Na-  
me Gottes **J E H O V A H** / der nichts anders  
bedeutet / den allein Gott selbs in seiner natur  
oder Wesen.

Item / Im Büchlin vom Schem Ham-  
phorasch / schreibt er viel reichlicher / vñ vnter  
andern also / Auff diese weise / werdē vielleicht  
die alten den namē **J E H O V A H** vn aussprech-  
lich genennet haben / deiweil er Gottes wesen /  
nach der Grammatica bedeutet / welches ist /  
wie gehört / ein eitel **J S T** / von ewigkeit / vnd  
drey Personen genennet wird / hiemit solt man  
sich bekumern / vñ solch **J E H O V A H** / das ist /  
Göttliches Wesen lernen erkennen.

B ij In

In Summa es hat von anfang der welt  
bis anher/kein streit nie gehabt/ sonder ist bei  
de im Newen vnd Alten Testament/ alweg vñ  
je einhellig bekennet/ das **JESU**ah ein sol  
cher Name sey/ den man keiner Creatur geben  
kan/ sonder heis allein den einigen ewigen/ leb  
endigen waren Gott/ der da ist Vater/ Son/  
vnd heiliger Geist/ aus welchen dreien Perso  
nen/ der Son ist Mensch worden/ darumb ist  
offenbar/ dieweil Jeremias/ vnd Paulus zusam  
men stimmen/ das **JESU**ah vnser Gerech  
tigkeit sey/ so mus der einig war vnd lebendig  
Gott/ der da ist Vater/ Son/ der Mensch wor  
den ist/ vnd heiliger Geist/ in seinem Göttliche  
en Wesen/ vnzertrennet/ wie er durch den glau  
ben/ **IN VRS WORT**/ vnser Gerech  
tigkeit sein.

### Bezeugnis D. Martini Lu theri/ das Gott vnser gerechtigkeit sey

**D**e Martinus Luther/ in der Postill/ im  
32. jar getrückt/ am 124 blad/ auff's  
Fest Petri vnd Pauli/ schreibt also /  
wenn ich in erwische/ vnd auff in bawen/ so er  
greiff ich seine gerechtigkeit / seine g<sup>te</sup> / vnd  
alles was sein ist/ das erhebt mich fur im / das  
ich nicht zuhanden werd. Warumb kan ich  
nicht zuschanden werden? Denn ich bin ge  
bawet auff Gottes gerechtigkeit die **GOTT  
SELBS IST**/ die selbigen kan er nicht  
ver

verwerffen/sonst must **ER SICH** Selbst  
verwerffen. Das ist der einfeltig richtig ver-  
stand/daruon las dich nicht furen / sonst wirs  
tu von dem fels gestossen vñ verdampt wer-  
den.

**Gezeugnis Philippi Melan-**  
thonis/das Gott Vater/Son/vnd heis-  
liger Geist/durch den glauben **IN**  
**VNS WORT** vnser  
Gerechtigkeit sein.

**E**S haben meine widersacher fr vnd mein  
Schrift on mein wissen dieses 1551  
jars/on geferlich im Aprillen / gen Wittens-  
berg geschickt/on zweuel der meinung / das  
man inen recht vñ mir vnrecht geben solt/was  
sie nu fur gezeugnis erlangt/ mügen sie auff-  
legen / Wir hat Philippus aus eigener bewes-  
gung/Von mir aller ding vnersucht geschri-  
ben/vnd so viel diesen handel antrifft / vnter  
andern worten/diese gezeugnis geben.

Philippus.

Das **GOTT** in den heiligen **WORT**  
wird also verstanden/das daselst der Vater vñ  
Son/den heiligen Geist blasen / in die hertzen  
der gleubigen/vnd sie mit irem Liecht / vñ irer  
gerechtigkeit/heiligen/das ist gewis.

Philippus.

Vnd zu ende der Schrift spricht er. **Es-**  
**sentialem iusticiam Christi in nobis efficacem**  
**esse/Das ist/das die Wesentlich gerechtigkeit**  
**Christi/IN VNS WORT**

Welche Kurtze Argument/mein Standt.

1 Wenn Gott Vater Son/vñ heiliger Geist/  
nicht vnser gerechtigkeit ist/so mus von nöten  
vnser gerechtigkeit ein Creatur sein / daraus  
folgen so viel grewl/die meine Widersacher jr  
lebenlang nicht werden aus studirn.

2 Wer den Geist Christi nicht hat / der ist  
nicht sein / der geist Christi ist warer Gott / vñ  
das gantz götlich wesen selbs/darumb wer das  
gantz Göttlich Wesen/nicht durch den glaub  
ben in sich wonend hat / der ist nicht Christi.

3 Wenn die gerechtigkeit des glaubens/nicht  
Gottes vnd Gott selbs/sonder nur ein Crea  
tur ist/so kan ein Mensch die gerechtigkeit  
des glaubens haben/vnd doch Gott nicht ha  
ben/vnd also mit der gedichten gerechtigkeit  
verdampft werden/dann wer Gott nicht hat  
ist nicht Christi.

Merck Christlicher Leser.

Wo D. Luther im Newen Testament  
gedenckht hat/die gerechtigkeit/die für Gott  
gilt/da hat die heilig Schrift/also diese ein  
feltige Wort allein/Gottes gerechtigkeit / vñ  
niment die gerechtigkeit/die für Gott gilt / es  
hats aber D. Luther also verdeutschet/das man  
nicht gedencck Gottes gerechtigkeit heisse/  
sein grimmiger Zorn / darmit er die sun  
de strafft / wie er selbs bezeuget.

ETC.